

Q V Æ S T I O M E D I C A .
QVOD LIBETARIIS DISPUTATIONIBVS MANE DISCVTIENDA
IN SCHOLIS MEDICORVM. DIE IOVIS XXXI. IANVARII.
M. PETRO RICHER Doctore Medico Moderatore.

An Dysenteria serum lactis salutare?

825

QUEMADMODVM dissimilis intestinorum coagmentatio est, sic non omnia vni eorum communi seruiunt; alia cibos conficiunt tum primùm illapso de ventriculo, bellèque subactos jecori mandant: alia nauant operam reliquijs alimenti continendis exturbandisque, si quædam copia aliòve nomine naturam lacescant atque extimentent. Vtriusque officij ratione varijs morborum molestijs affliguntur; colico dolore, qui specie nephritidis quandoque simul, cholera numquam febris experte, in qua lusedque reijciuntur bilis; ileo, qui interclusa excrementorum viâ, fecibus ipsis per ventriculum exitum parat; lienteria, diarrhœa, dysenteria, inter quæ symptomata hoc maxime interest, quod in læuitate intestinorum cibi nonnullisque impressi vestigijs coctionis in aluum præcipitantur. Diarrhœa sinceris humoribus per laxas atque patentes intestinorum vias effundit. Dysenteria ab ægra parte id nominis adepta, nonnihil etiam cruoris deijcit.

DYSENTERIÆ multiplex ratio atque modus esse perhibetur: enim verò quæ sanguis ex aluo prodit, interdum ab hepate manat optimè de natua temperie constituto, graue onus quâ decet, quâque viam natura regit excutiente; atque ista quidem dysenteria multis sit perquam salutaris & familiaris maxime, si præsertim lauris epulis delectentur, neque vllam partem de suo demenso deduxerint; sed periculo vacat omni quæ morbi doloris, bidui autidui est, deinde definit. Capitalior altera, cujus parens est depopulatio & omnium visceris adornando sanguini præpositi: rubram proluium in intestina deponit sine vilo lesu doloris: interdum simulat fugam, & quasi pactis inducijs conuulscit; mox ægrum affligit excruciatque vehementius, donec tandem illum labefactato jecore, euulsetque omnibus naturæ præsidijs de vita sustulerit. Tertiam parit dysenteria speciem hæmorrhoids sua sponte patefacta, è qua sanguis impurus stillat in recti intestini capacitatem, illique concretus & nigrior quàm satis est, vnâ cum superuacuis alui eliminatur.

AT quæ *velus* appellatur dysenteria, ea sanguinis per aluum profuso est cum intestini exulceratione conjuncta, nec sine immani cruciatus doloris. Hæc per crassa tenuiaque intestina grassatur, ac in tenuibus quidem sæpius acerbiusque crudelitatem expromit suam: cassis placator est, in illisq; rariùs excitatur: sollicitatur æger assidua desidendi cupiditate, atque vt omnia faciat, prius animam efflauerit in ipso conatu alui exonerande, quàm postea depauperit imis conceptam visceribus: quippe nil excernit præter mucum fœdum insigni graueolentiâ, cumque paucis cruore aspersum: Interim effrenis humor, auctor leuissimi symptomatis cuniculos agit, hæret intestinis apprimè tenax, sêque in ea insignens altius, quasdam dolorum faces admouet, siue ille ichor est biliosus, siue ex salta & putredine conuulsa piruita ortum habuit; siue ex inflammata sanguinis fœce in atram bilem degenerauit. Porro sanguinis ipsius benefica vis est, neque potest vnquam tam atrox vltimque intensus esse naturæ suauissimus humor, vt per sese dysenteriam procreet.

LACTE, si vtilitatem spectes, nullum fructuosius; si saporis gratiam, nullum iustodius alimentum est hominum generi à natura datum: neq; solum ad victum, & ad robur corporis valet, sed etiam ad propulsanda morborum grauiusculorum incommoda. Hoc vno vitam & spiritum ducunt ij, quibus corpus exulcerati pulmonis contagione afflatus miserè contabescit: Illud verò sanguis est, insitâ vi mammarum adornatus, conditque partibus diuersis atque inter se pugnantis naturæ, sero, butyro & caseo. Serum vi frigoris eximia atque insigni partium tenuitate pollet, ad abstergenda vlcera præstantissimum est, pinguis efficit homines, nitidos benèque habiti corporis. Butyrum caloris moderatione viget. Caseus cum terra temperamenti societate deuinctus est. Lac *als* vix parum apparatus, inenitæ dysenteria exhiberi nequit citra noxam: nam & jecur inflammatur, & vlcus in intestinis conceptum magis magisque exasperat: contra, serum lactis siue potum siue admixtum enervans fuerit, tectat dysentericos spe salutis exploratæ.

OMNIVM grauiusculè peccant in rem ægrotantium, qui aut adstringentibus dysenteriam coactæ student, aut pinguibus in crustare atq; munire intestina aduersus biliosi feri morsus accerrimos. Huius teterissimi mali profligandi ratio hæc incunda: prima hepatis & medullarum cura esse debet, intestinorum vix vlla; habenda tamen est ratio doloris, qui si exarserit actius, demulcendus epiceraisticis; his nisi leniatur, eritne sapientis ad narcotica confugere? Hepatis sermo egregiè temperabitur indicatâ præstanti victus ratione, crebra detractio sanguinis, catharsi perblanda subinde repetita: excutiendæ expurgandæque latebre omnes venarum medullarumque que sordent illuue multa, & impuritatem istam calamitosam intestinis expuunt. Hâc sentinâ exhaustâ non est quod de vlcera paribus redintegranda medicis magnopere laboreat; vlcus enim natura nullis adminiculis artis, cicatrice obducet: verum, cum omnia ratione animòque lustraueris, nullum inuenies præsidium quod cum sero illi conferri possit. Hoc accensum hepar eximie refrigerat, furenti bili frenos iniicit, tenuitate sua perquadit expeditè viscerum nutritiorum ductus, ex iisque sordium reliquias elat, vix vias aperit atque explanat, per quas humoris morbum committentis euacuationem molitur, vlcus absterget, atque ita dysentericos cumulat bonis omnibus.

Ergo Dysenteria serum lactis salutare.

Proponebat Lutetiæ IACOBVS LE FEBVRE, Parisinus. A. R. S. H. M. DC. XXXVI.

DOMINI DOCTORES DISPUTAVRI.

M. Hugo Chasles.
M. Nicolaus Heliot.
M. Ioannes Vacherot.

M. Claude Seguin. Prof. Reg.
M. Isaac Baptista Ferriand.
M. Simon Leuier.

M. Petrus Beauvains.
M. Ioannes Texier.
M. Robertus Tullouë.

F.M.P.
BIBLIOTHECA